



CONVENIO PARA A SUBVENCIÓN DE ACTIVIDADES CULTURAIS, DEPORTIVAS, TURÍSTICAS E ASISTENCIAIS SUBVENCIONADAS POLA ENTIDADE LOCAL COA ASOCIACIÓN AMIGOS DO MONTE CASTELO DE BURELA

Reunidos en Burela, a 07 de agosto de 2024

Dunha parte, Dona **MARÍA DEL CARMEN LÓPEZ MORENO**, Alcaldesa do **Concello de Burela**, en representación do Concello de Burela, con NIF n.º P2706800F, con domicilio en Burela, rúa Eijo Garay, n.º 20, C. P. 27880, asistido polo Secretario do Concello, D. Jose Miguel Ramos Cuba.

E doutra parte D **MARCOS VAZQUEZ DÍAZ** maior de idade, con DNI n.º 33999977C na súa calidade de Presidente/a da Asociación Amigos do Monte Castelo, con CIF G27376714 á que representa neste acto, co enderezo aos efectos de notificacións Rúa Rosalía de Castro 60, 4ºC, 27880, Burela. Ambas as dúas partes recoñécense mutua e reciprocamente a capacidade legal suficiente e necesaria para este acto e libremente:

EXPOÑEN:

PRIMEIRO: Que o Concello de Burela ten o obxectivo de promover a cultura, o asociacionismo e participación cidadá no concello de Burela. Para conseguir este obxectivo, aprobáronse dentro das bases de execución do Orzamento Xeral do exercicio 2024 as subvencións nominativas a conceder a entidades e agrupacións sen ánimo de lucro do municipio. Consígnase ademais crédito axeitado e suficiente para esta finalidade na partida 338.489 do citado Orzamento Xeral do exercicio 2024

SEGUNDO: Que a Asociación Amigos do Monte Castelo é unha entidade dedicada á organización da Romaría do Monte Castelo.

Que o Concello de Burela considera que Romaría do Monte Castelo, baixo a avocación relixiosa da Virxe das Maravillas. Tradicionalmente son un punto de encontro e socialización da veciñanza do municipio e supoñen un espazo de integración das diferentes comunidade que habitan a vila de Burela.

E dentro do seu carácter tradicional, a organización deste evento é habitualmente desenvolvida por unha comisión de festas de carácter participativo e formada por diversos veciños e veciñas. Esta comisión de festas a día de hoxe atópase inscrita no rexistro municipal de asociacións.

TERCEIRO: Que tanto o Concello de Burela como a Asociación Amigos do Monte Castelo teñen obxectivos comúns e que, polo tanto, é precisa unha colaboración estreita neste ámbito en concreción do recollido na base 36 de execución do orzamento xeral para o 2024.

En virtude do exposto, as partes acordan celebrar o presente Convenio de Colaboración de conformidade coas seguintes:

Concello de Burela

Rúa Eijo Garay, 20, Burela. 27880 (Lugo). Tfno. 982586000. Fax: 982585945





CLÁUSULAS:

PRIMEIRA: Que a subvención concedida ten carácter discrecional, e o outorgamento da axuda económica vén condicionada no Acordo da Xunta de Goberno Local de data 02/07/2024 á sinatura do presente Convenio, polo que o beneficiario se compromete ao seguinte:

- Realización da actividade e cumprimento da finalidade que determine a concesión e especificamente a promover e divulgar a cultura no Concello de Burela.
- Proporcionar o persoal necesario para o normal funcionamento da actividade, xa sexa voluntario ou contratado, ocupándose neste último caso das obrigas que leva aparelladas.
- Someterse ás actuacións de comprobación e organización, que os órganos competentes do Concello realicen.
- Notificar ao Concello calquera modificación que se pretenda realizar no proxecto inicialmente presentado, que deberá ser autorizado previamente.
- Facer constar de forma clara que a actividade está subvencionada ou patrocinada polo Concello, nos exemplares dos programas, carteis, convocatorias de actividades e en toda a información gráfica, escrita e sonora que se realice con motivo do programa.
- De forma previa á sinatura do convenio deberá presentar o Anexo I a través do Rexistro Electrónico do Concello de Burela cos datos identificativos e da actividade que nel se comprenden.
- Presentar ata o día 19 de novembro de 2024 os documentos acreditativos da xustificación da subvención, de acordo co previsto no artigo 72 do Real Decreto 887/2006, de 21 xullo, polo que se aproba o Regulamento da Lei 38/2003, Xeral de Subvencións, en concreto, o previsto a continuación:

“O cumprimento das finalidades que motivaron o outorgamento das subvencións, xustificárase achegando a correspondente documentación que acredite a realización do obxecto da subvención.

A xustificación da subvención deberá presentarse, en todo caso, antes da finalización do exercicio orzamentario correspondente, en caso contrario dará lugar a perda do dereito de cobro total ou parcial da subvención, se perxuízo da celebración, no seu caso do trámite de audiencia legalmente establecido. A documentación a presentar será a seguinte:

1. Unha Memoria da actividade ou actividades realizadas. No seu caso, un exemplar da documentación e propaganda escrita e gráfica relativa á mesma, debendo anunciarse na mesma a colaboración municipal. Sen prexuízo do exposto, o Concello pode sinalar outras condicións particulares en

Concello de Burela

Rúa Eijo Garay, 20, Burela. 27880 (Lugo). Tfno. 982586000. Fax: 982585945





función da natureza ou finalidade da subvención.

2. Certificación, expedida polo perceptor de que foi cumprida a finalidade para a cal se outorgou a subvención, conforme ao proxecto presentado. Anexo II

3. Cando as actividades foran financiadas, ademais, con outros fondos ou recursos, acreditarase tamén a aplicación de tales fondos ás actividades subvencionadas. Anexo III

4. Certificados de estar ó corrente do pago das obrigas tributarias e fiscais, tanto estatais como autonómicas e coa Seguridade Social. A presentación de declaración responsable substituirá á presentación das certificacións previstas no apartado anterior en aquelas subvencións nas que a contía a outorgar cada beneficiario non supere na convocatoria o importe de 3.000 euros.

5. Un Estado de Gastos e Ingresos da actividade realizada. Incluirá, baixo responsabilidade do declarante, os xustificantes de gasto ou calquera outro documento con validez xurídica que permita acreditar o cumprimento do obxecto da subvención. Anexo IV

6. Os gastos acreditaranse mediante facturas e demais documentos de valor probatorio equivalente con validez no tráfico xurídico mercantil ou con eficacia administrativa, de acordo co previsto no artigo 30.3 da Ley 38/2003, de 17 de novembro, xeral de subvencións:

- O beneficiario deberá figurar obrigatoriamente como destinatario da factura.
- Expresar con detalle os bens e servizos adquiridos
- Debe figurar claramente o nome ou razón social e NIF da empresa que emite a factura e do destinatario.
- Non se permitirán pagos en efectivo.

7. Certificado bancario de conta corrente da entidade

8. Declaración responsable do representante da entidade, se é o caso, de que está asumindo o custe do IVE derivado dos gastos subvencionables da actividade por non ter a posibilidade de recuperalo ou compensalo. Anexo V

9. Acreditación documental de que nos exemplares dos programas, carteis, convocatorias de actividades e en toda a información gráfica, escrita e sonora que se realice con motivo do programa figura que a actividade foi subvencionada polo Concello de Burela.

SEGUNDA: Que o Concello de Burela se compromete a:

Achegar a cantidade económica de 5.000€ de conformidade co recollido no Anexo de Subvencións nominativas do Orzamento Xeral do Concello de Burela para o exercicio 2024, coa finalidade de gastos correntes da entidade.

Concello de Burela

Rúa Eijo Garay, 20, Burela. 27880 (Lugo). Tfno. 982586000. Fax: 982585945





Consideraranse gastos a subvencionar de acordo cos fins recollidos no presente convenio, aqueles gastos que resulten inherentes ao desenvolvemento da actividade na que se basea a concesión da axuda, que sexan imprescindibles para o cumprimento da finalidade para a que se concede a subvención.

Poderán ser subvencionables non só as actividades , se non tamén os gastos xerais das asociacións e entidades que sexan necesarios para o seu funcionamento e se realicen dende o 20 de novembro de 2023 e o 19 de Novembro de 2024.

Non serán gastos subvencionables os intereses debedores de contas bancarias, os impostos, taxas, recargas e sancións administrativas ou penais, e os gastos de procedementos xudiciais. Exclúense tamén os gastos de investimento non mencionados anteriormente, as comidas e as atencións protocolarias.

Os gastos subvencionables deberán producirse e realizarse dentro do prazo comprendido entre o día 20 de novembro de 2023 e o 19 de Novembro de 2024, ambos os dous incluídos.

TERCEIRA: Establécese a obriga por parte da Asociación Festas Patronais de Burela de reintegrar os fondos no suposto de incumprimento dos requisitos e obrigas establecidas para a concesión e, en todo caso, nos supostos regulados no artigo 33 da Lei 9/2007, de 13 de xuño, de Subvencións de Galicia, e nos artigos 74 a 76 do Real Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de Subvencións de Galicia.

CUARTA: De acordo co recollido no artigo 17 da Lei 9/2007, de 13 de xuño, de Subvencións de Galicia, a percepción da presente axuda será compatible coa doutras subvencións, axudas, ingresos ou recursos para a mesma finalidade, procedentes de calquera administración ou entes públicos ou privados, estatais, da Unión Europea ou de organismos internacionais. Non obstante, o importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

QUINTA: O pago íntegro da subvención realizarase con carácter xeral previa xustificación polo beneficiario da realización da actividade, proxecto, obxectivo ou adopción do comportamento para o que se concedeu.

Non obstante, previa solicitude da asociación poderase autorizar o pago anticipado de ata un 80% da cantidade total, constituíndo o 20% restante garantía a expensas da xustificación definitiva. Este pago anticipado, en ningún dos casos exime da obriga de xustificación e da posibilidade de efectuar reintegro.

SEXTA: No non previsto neste Convenio estarase ao disposto nas bases da concesión da subvención contidas nas Bases de Execución do Orzamento Xeral do Concello de Burela para o exercicio 2022 prorrogado para o ano 2023, Lei 9/2007, de 13 de xuño, de Subvencións de Galicia, Lei 38/2003, Xeral de





Subvencións e Real Decreto 887/2006, de 21 xullo, polo que se aproba o Regulamento da Lei 38/2003, Xeral de Subvencións.

Para que así conste e en proba de conformidade, asinan ambas as dúas partes no lugar e data indicada no encabezamento.

